

寒
料
口

六
科
準
繩



傷寒準繩卷四

金壇王肯堂輯 瘦樵程永培校

三陰總論

〔黃〕三陰有傳經之邪有內感之邪傳經者自太陽傳入者是也內感者直中三陰非自陽經次第流傳而來由形寒飲冷而得損動胃氣之所致也其脉證略與傷寒外感之證相似細辨之特異耳然止係雜病非傷寒熱病受寒之證也夫邪之生也或生於陰或生於陽其生於陽者得之風雨寒暑其生於陰者得之飲食居處陰陽喜怒仲景云發熱而惡寒者發於陽也無熱而惡寒者發於陰也此三陰內感之證首尾無熱縱有熱者亦仲景所謂反發熱也反當考始得之三字則見矣內感之證始終只在一經不復傳變不傳者何陽動而陰靜故陽傳而陰不傳也若以傷寒之三陰三陽言之則所傳者表裏經絡而已况風寒六氣之邪中人或中於陽經或入於陰絡孰爲之先孰爲之後烏可專以太陽爲受邪之始故各經皆能受邪然邪自太陽始者比各經居多蓋始雖自三陰中熱者亦傳歸陽明而後已也三陰經自中寒決無復傳變三陰無合併病者以此

〔王〕嘗讀張仲景傷寒論於太陰有曰自利不渴者屬太陰以其藏有寒故也當溫之宜服四逆輩於少

陰有曰少陰病得之一二日口中和其背惡寒者當灸之附子湯主之少陰病身體痛手足寒骨節痛脈沉者附子湯主之少陰病下利白通湯主之少陰病下利脈微者與白通湯利不止厥逆無脈乾嘔煩者白通加豬膽汁湯主之少陰下利清穀裏寒外熱手足厥逆脈微欲絕身反不惡寒其人面赤色或腹痛或乾嘔或咽痛或利止脈不出者通脈四逆湯主之少陰病脈沉者急溫之宜四逆湯於厥陰有曰手足厥寒脈細欲絕者當歸四逆湯主之大汗若大下利而厥冷者四逆湯主之觀仲景此論則傷寒三陰必有寒證而宜用溫熱之劑也及讀劉守真之書有曰傷寒邪熱在表府病爲陽邪熱在裏藏病爲陰俗妄謂有寒熱陰陽異證誤人久矣寒病有之非汗病之謂也寒病止爲雜病終莫能爲汗病且造化汁液之氣者乃陽熱之氣非陰寒之所能也雖仲景有四逆湯證是治表熱裏和誤以寒藥下之太早表熱入裏下利不止及或表熱裏寒自利急以四逆溫裏利止裏和急解其表也故仲景四逆湯證復有承氣湯下之者由是傷寒汗病直言熱病而不言寒也經言三陰證者邪熱在藏裏以藏與裏爲陰當下熱者也素問論傷寒熱病有二篇名曰熱竟無寒理兼素問併靈樞諸篇運氣造化之理推之則爲熱病誠非寒也觀守真此論則傷寒無問在表在裏與夫三陽三陰皆一於爲熱而決無或寒者矣兩說不同其是非之判必有一居此者由是彼此反覆究詰其義而久不能得雖至神疲氣耗不舍置者自謂此是傷寒

大綱領此義不明則干言萬語皆未足以爲後學式况戕賊民生何有窮極也哉意謂成無己之註必有
所發明者遂因而求之然亦止是隨文而略釋之竟不明言何由爲熱何由爲寒之故此非其不欲言也
蓋止知傷寒皆是傳經故疑於六經所傳俱爲熱證而熱無變寒之理遂不敢別白耳以寒爲本藏之寒
歟安得當熱邪傳裏入深之時反獨見寒而不見熱者且所用溫熱藥能不助傳經之熱邪乎以寒爲外
邪之寒歟則在三陽已成熱矣豈有傳至三陰而反爲寒哉成氏能潛心乎此則必悟其所以然矣自仲
景作傷寒論以來靡或遺之而弗宗至於異同之論興而漁者走淵木者走山矣宜乎後人不能決於似
是而非之際故或謂今世並無真傷寒病又或以爲今人所得之病俱是內傷又昧者至謂傷寒論中諸
溫藥悉爲傳經熱邪而用者以三陰經屬陰故也又其大謬者則曰凡論中有寒字皆當作熱字看嗚呼
末流之弊一至此乎於是澄心靜慮以涵泳之一旦劃然若有所悟者然亦未敢必其當否也姑陳之以
從有道之正夫三陽之病其寒邪之在太陽也寒鬱其陽陽不暢而成熱陽雖人身之正氣既鬱則爲邪
矣用麻黃發表以逐其寒則腠理通而鬱熱泄故汗而愈苟或不汗不解其熱不得外泄則必裏入故傳
陽明傳少陽而或入府也若夫三陰之病則或寒或熱者何哉蓋寒邪之傷人也或有在太陽經鬱熱然
後以次而傳至陰經者或有太陽不傳陽明少陽而便傳三陰經者或有寒邪不從陽經而始直傷陰經

者或有雖從太陽而始不及鬱熱卽入少陰而獨見少陰證者或有始自太陽卽入少陰而太陽不免於無傷者或有直傷卽入而寒便變熱及始寒而終熱者其鬱熱傳陰與寒便變熱則爲熱證其直傷陰經及從太陽卽入少陰則爲寒證其太陽不能無傷則少陰脉證而兼見太陽標病其始爲寒而終變熱則先見寒證而後見熱證此三陰之病所以或寒或熱也苟卽三陰經篇諸條展轉玩繹以求之理斯出矣夫其或傳經或直傷或卽入或先寒後熱者何也邪氣暴卒本無定情而傳變不常故耳故經曰邪之中人也無有常或中于陽或中于陰夫守眞者絕類離倫之士也豈好爲異說以駭人哉蓋由其以溫暑爲傷寒而仲景之方每不與溫暑對故略乎溫熱之劑而例用寒涼由其以傷寒一斷爲熱而無寒故謂仲景四逆湯爲寒藥誤下表熱裏和之證及爲表熱裏寒自利之證而立又謂溫裏止利急解其表又謂寒病止爲雜病嗟乎仲景傷寒論專爲中而卽病之傷寒作不兼爲不卽病之溫暑作故每有三陰之寒證而溫熱之劑之所以用也以病則寒以時則寒其用之也固宜後人不知此意是以愈求愈遠愈說愈鑿若知此意則猶庖丁解牛動中肯綮矣且如寒藥誤下而成裏寒者固誠爲不免矣不因寒藥誤下而自爲裏寒者其可謂之必無乎殊不知陰經之每見寒證者本因寒邪不由陽經直傷於此與夫雖由太陽而始不及鬱熱卽入於此而致也雖或有因寒藥誤下而致者蓋亦甚少仲景所用諸溫熱之劑何嘗每

爲寒藥誤下而立況表熱裏寒之證亦何嘗每有急解其表之文乎夫裏寒外熱之證乃是寒邪入客於內迫陽於外或是虛陽之氣自作外熱之狀耳非真熱邪所爲也觀仲景於裏寒外熱之證但以溫藥治裏寒而不治外熱則知其所以爲治之意矣若果當急解其表豈不於裏和之後明言之乎且三陰寒病既是雜病何故亦載於傷寒論以惑後人乎其厥陰病篇諸條之上又何故每以傷寒二字冠之乎夫內經所敘三陰病一於爲熱者言其常也仲景所敘三陰病兼乎寒熱者言其變也並行而不相悖耳後人謂傷寒本無寒證得非知常而不知變歟然世之恪守局方好用溫熱劑者乃反能幸全於寒證無他其守彼雖偏治此則是學者能知三陰固有寒邪所爲之證則仲景創法之本意可以了然於心目之間而不爲他說所奪矣或曰傷寒之病必從陽經鬱熱而傳三陰今子謂直傷陰經卽入陰經而爲寒證其何據乎予曰據夫仲景耳仲景曰病發熱惡寒者發於陽也無熱惡寒者發於陰也發於陽者七日愈發於陰者六日愈夫謂之無熱惡寒則知其非陽經之鬱熱矣謂之發於陰則知其不從陽經傳至此矣謂之六日愈則知其不始太陽而止自陰經發病之日爲始數之矣仲景又曰傷寒一二日至四五日而厥者必發熱傷寒病厥五日熱亦五日設六日當復厥不厥者自愈傷寒厥四日熱反三日復厥五日其病爲進夫得傷寒未爲熱卽爲厥者豈亦由傳經入深之熱邪而致此乎今世人多有始得病時便見諸寒證

而並無或熱者此則直傷陰經即入陰經者也苟不能究夫仲景之心但執凡傷於寒則為病熱之語以為治其不天入天年者幾希矣

太陰病

腹滿 腹痛 黃 吐與利下三門並附入少陰病蓋此三門之病才屬太陰病因在少陰者反多故從其多者附也

〔黃〕太陰之為病腹滿而吐食不下自利益甚時腹自痛者宜理中也陰經少有用桂枝湯者如此證若脈浮即用桂枝湯微汗之若惡寒甚不已者非理中四逆不可也三陰俱有惡寒但喜厚衣即惡寒也前證若下之必胸下結鞭又宜瀉心湯也雖然用瀉心者由誤下而致非傳經熱邪也三陰雖皆有傳經熱邪故自有熱證與此陰證不同大宜詳究太陰經治法有汗下溫和解

〔汗〕桂枝湯 桂枝加芍藥湯

〔下〕桂枝加大黃湯

〔溫〕四逆湯 理中湯

〔和解〕梔子檳皮湯 茵陳五苓散

經云尺寸俱沉細者太陰受病也以其脈布胃中絡於噎故腹滿而噎乾今查太陰篇闕噎乾證 太陰之為病腹滿而吐食不下自利益甚時腹自痛若下之必胸下結鞭〔成〕太陰為病陽邪傳裏也太陰之脈布胃中邪氣壅而為腹滿上不得



降者嘔吐而食不下不得升者自利益甚時腹自痛陰寒在內而為腹痛者則為常痛此陽邪干裏雖痛而亦不常但有時腹自痛也若下之則陰邪留於胸下為結硬經曰病發於陰而反下之因作痞

自利不渴者屬太陰 脉浮而緩手足自溫者繫在太陰 下後腹滿時痛者屬太陰 太陰病脉浮者

可發汗宜桂枝湯 在太陽則脉浮無汗宜麻黃湯此脉浮當亦無汗而不言者謂陰不得有汗不必言也不用麻黃而用桂枝者以陰病不當更發其陽也須識無汗亦有用桂枝湯 本

太陽病醫反下之因而腹滿時痛者屬太陰也桂枝加芍藥湯主之大實痛者桂枝加大黃湯主之 邪氣入裏

則為腹痛蓋氣傳裏而痛者其痛不常當以辛溫之劑和之陰寒在內而痛者則痛無休止時欲作利也當以熱劑溫之有燥屎宿食為痛者則不大便腹滿而痛也則須下之經曰諸痛為實痛隨利減此皆為裏證而治

各不同

桂枝加芍藥湯方

桂枝 一兩 生薑 各三兩半 甘草 二兩 芍藥 六兩 大棗 十二枚 擘 右五味以水

七升煮取三升去滓分溫三服

桂枝加大黃湯方

桂枝 一兩 芍藥 一兩 甘草 炙半兩 大黃 半兩 大便實痛者加一兩 虛者照本方 右咬咀大棗三

枚生薑四片水煎溫服

〔張〕或謂太陰病用四逆等固當然後用桂枝大黃夫大黃至寒何為用之於陰經又兼桂枝大黃寒



熱相雜而用何也曰夫自利而渴者屬少陰爲寒在下焦自利不渴者屬太陰爲寒在中焦以四逆等湯溫其藏此本經常用之藥也其太陽病反下之表邪未解乘虛傳於太陰因而腹滿時痛用桂枝芍藥湯若大實痛者桂枝加大黃以除表裏之邪以上二節雖下後而利已此兼有滿痛形證故用芍藥大黃爲宜若脈浮弱其人續自便利設當行大黃芍藥者宜減之以其人胃氣弱故易動也

〔趙〕活人書第四問太陰經病證中云腹滿時痛屬大陰也又云腹痛桂枝加芍藥湯痛甚桂枝加大黃湯愚詳太陰病腹滿證有三有次第傳經之邪有直入本經之邪有下後內陷之邪不可不辨也如腹滿咽乾者此非傳經之陽邪者乎法當下之腹滿而吐食不下自利益甚時腹自痛若下之必胸下結硬此非直入本經之陰邪者乎法當溫之如太陽病醫反下之因爾腹滿時痛此誤下內陷之邪也法當用桂枝加芍藥湯大實痛者桂枝加大黃湯今此問中不言桂枝加芍藥加大黃二湯爲治誤下後之劑又不曰大實痛但曰痛甚設遇本經直入陰邪腹滿時痛而脈沉細者依此用桂枝加芍藥大黃等下之豈不貽胸下結硬之悔又所謂大實痛者乃胃中邪實結燥而痛則痛甚與大實證全別以是知本經陰邪腹滿者宜理中加青皮陳皮傳經之邪腹滿咽乾者屬大柴胡誤下後腹滿痛方見上太陰病脈弱其人續自便利設當行大黃芍藥者宜減之以其人胃氣弱易動故也 太陰中風四肢煩

痿脈陽微陰澀而長者為欲愈內經曰四肢皆稟氣於胃而不得至經必因於脾脾病不能為胃行其津液四肢不稟水穀氣日以就衰脈道不利筋脈血肉皆無氣以生故不用
○脾在時則寄王於四季在人則應於手足故太陰病則四肢應之
太陽病欲解時從亥至丑上脾為陰土王於亥子丑向陽故云解時

〔活〕古人以四日太陰證病在胸膈可吐而愈何也答曰不然有太陰證脈大胸滿多痰者可吐之脈大而無吐證者可汗而已大抵在表者汗之在裏者下之在上者湧之在下者泄之瓜蒌枳殼隨證施用不可拘以日數也

〔趙〕活人五十六問云陰證有發熱者乎太陰厥陰皆不發熱只少陰有發熱證愚詳仲景論中三陰皆有發熱如少陰二證外又有吐利手足不逆冷反發熱者不死少陰病一身手足盡熱以熱在膀胱必便血少陰病四逆散中用柴胡亦有發熱又厥陰病先厥後發熱而利者必自止下利脈數有微熱汗出今欲愈面赤身微熱為鬱冒嘔而發熱小柴胡與夫太陰病中風四肢煩疼是三陰皆有發熱何其言之拘耶又云太陰篇無吐法如虛煩膈實等證可吐者皆屬他經獨華佗云四日在胸可吐之亦不曰太陰今活人傷寒問中云太陰病在胸膈可吐何耶況胸中本非太陰經部分仲景雖有下之則胸結硬是誤下後壞病也而胸下乃近心腹處亦非吐藥可治也至于論脈仲景但云太陰尺寸皆沉細亦未嘗言脈大

腹滿

腹滿俗云肚脹有屬熱者有屬寒者陽熱則腹滿咽乾或大小便秘澀或潮熱譫語等證陰則腹滿吐食不下自利益甚時腹自痛雖然腹滿爲裏證又有淺深之別經曰表已解內不消非大滿猶生寒熱則病不除是未全入府邪猶淺也若大滿大實堅有燥屎可除下之雖四五日不能爲禍是已入府邪已深也腹滿固多可下又有虛實之殊經曰腹滿不減爲實可下去之若腹滿時減爲虛則不可下又曰腹滿不減減不足言當下之要略曰腹滿時減復如故此虛寒從下上也當以溫藥和之蓋虛氣留滯亦爲之脹但比實者不至堅痛爾諸經皆有腹滿但太陰屬脾土位中央又專主腹滿之候腹滿之證二十餘條治法有汗吐下溫刺之異又有汗吐下後成腹脹者治法亦各不同蓋胃爲津液之主發汗亡陽則胃氣虛而不能敷布諸氣壅滯而爲脹滿是當溫散厚朴生薑甘草半夏人參湯可也吐後邪氣不去加之腹脹滿者胸中之邪下傳入胃壅而爲實故生脹滿當須下之調胃承氣湯可也邪未入府而妄下之表邪乘虛入鬱胸中有虛煩氣上下不得通利腹爲之滿故當吐之梔子厚朴湯可也醫者能審邪氣所起之由來真知邪氣所在之虛實發汗吐下之不差溫補鍼灸之適當則十全之功可得也 又結胸從心下起至少腹鞭滿而痛與腹滿類也然結胸按之則痛手不可近腹痛舉按常痛手近不甚也又痞亦從心下

起至少腹亦與滿類也然痞或止留心下腹滿但在腹之中也有此為異臨證宜審

〔太陽〕發汗後腹脹滿者厚朴生薑甘草半夏人參湯

〔成〕吐後腹脹與下後腹滿皆為實言邪氣乘虛入裏為實發汗後外已解也腹脹滿知非裏實由

脾胃津液不足氣滯不通壅而為滿與此湯和脾胃而降氣○〔張〕或問太陽篇中發汗後諸證不言太陽病固所當然亦合列於傷寒之右何故止言發汗後腹脹者厚朴半夏生薑人參湯主之予曰凡言發汗後者以外無表證裏無別術止有腹脹一事而已除此之外即獲全安夫傷寒二字豈可易言哉其傳變吉凶猶反掌耳可與所餘一證而並例哉其諸汗後條目不殊此意

厚朴生薑人參甘草半夏湯方

厚朴炙去皮

生薑各半斤

人參一兩

半夏半升洗

甘草二兩

右五味以水

一斗煮取三升去滓溫服一升日三服

傷寒下後心煩腹滿臥起不安梔子厚朴湯主之

〔成〕下後但腹滿而不心煩則邪氣入裏為裏實但心煩而不腹滿則邪氣在胸中為虛煩既煩且滿則邪氣

壅于胸腹間也滿者不能坐煩者不能臥故令臥起不安與梔子厚朴湯吐煩泄滿

太陽病過經十餘日心下溫溫欲吐而胸痛大便反澀腹微

滿鬱鬱微煩先時自極吐下者調胃承氣湯若不愈不可與但欲嘔胸中痛微澀者此非柴胡證以嘔知

極吐下也

吳茱萸湯半夏瀉心湯詳嘔吐

太陽病中風以火劫發汗邪風被火熱血氣流溢失其常度兩陽相薰灼

其身發黃陽盛則欲衄陰虛則小便難陰陽俱虛竭身體則枯燥但頭汗出劑頸而還腹滿微喘口乾咽

爛或不大便久則譫語甚者至噦手足躁擾捻衣摸床小便利者可治 傷寒腹滿譫語寸口脈浮而緊



此肝乘脾名曰縱刺期門腹滿譫語者脾胃疾也浮緊者肝脉也脾病見肝脉木行乘土也經曰水行乘火木行乘土名曰縱此其類矣期門者肝之募刺之以瀉肝經盛氣傷

寒發熱啻啻惡寒大渴引飲腹滿自汗小便利病欲愈此肝乘肺也名曰橫刺期門按傷寒發熱惡寒表

表已解矣大渴腹滿裏病也至于小便利則裏自和矣故曰其病欲解欲解則當俟其自愈矣刺期門二字疑衍

〔陽明〕中風口苦咽乾腹滿微喘發熱惡寒脉浮而緊若下之則腹滿小便利也麻黃湯三陽合病腹滿

身重難以轉側口不仁面垢譫語遺尿發汗則譫語下之則額上生汗手足逆冷若自汗者白虎湯陽

明病脉遲食難用飽飽則微煩頭眩必小便難此欲作穀疸雖下之腹滿如故所以然者以脉遲故也梔

湯傷寒吐後腹脹滿者與調胃承氣湯〔成〕內經云諸腹脹大屬于熱熱在上焦則吐吐後不解復腹脹滿者邪熱入胃也與調胃承氣湯下其胃熱發汗

不解腹滿痛者急下之宜大承氣湯腹滿時減不足言當下之宜大承氣湯滿痛即是實若時減者非實也下條是發明上

文之義且言若但滿而不痛雖未可以為實若滿而不減者亦可下也〔張〕或謂減不足言復曰當下之何也此古之文法如是也言腹滿不減當下之宜大承氣湯此滿而不減之謂也若時滿時減者不可

以當下而論是減不足言也然承氣湯當緩下腹滿不減處非可續于減不足言之下也假如太陽篇中云傷寒不便六七日頭痛有熱者與承氣湯其小便清者知不在裏仍在表也當須發汗若頭痛者必衄

宜桂枝湯緣桂枝當發汗而設非為治衄而用也以其文法所拘致令後世治衄有麻黃桂枝之誤其減不足言之亦不外乎是理陽明病下之心中懊憹而煩胃中

有燥屎者大承氣湯腹微滿必初硬後溏不可攻下後心中懊憹而煩者虛煩也當與梔子豉湯若胃中有燥屎者非虛煩也可與大承氣湯下之其腹微滿初

溏後溏是無燥屎此熱不在胃而在上也故不可攻傷寒七八日身黃如橘子色小便利腹微滿者茵陳蒿湯陽明病脉遲

雖汗出不惡寒者其身必重短氣腹滿而喘有潮熱者此外欲解可攻裏也手足濇然汗出者此大便已
鞭也宜大承氣湯若汗多微發熱惡寒者表未解也其熱不潮未可與承氣若腹大滿不通者可與小承
氣湯微和胃氣勿令大泄下 陽明病脈浮而緊口苦咽乾腹滿而喘發熱汗出不惡寒反惡熱身重

散白
虎湯

陽明病潮熱大便微硬者大承氣湯若不大便六七日恐有燥屎少與承氣湯湯入腹中不轉失

氣者此但初硬後溏不可攻攻之必脹滿不能食欲飲水者飲水則噦後發熱者必大便復硬宜小承氣
湯 陽明中風脈弦浮大短氣腹都滿脇下及心痛久按之氣不通鼻乾不得汗嗜臥身及面目悉黃小
便難潮熱時噦者與小柴胡湯脈但浮無餘證者麻黃湯

〔太陰〕為病腹滿而吐食不下自利益甚時腹自痛若下之必胸下結硬

理中湯丸不
渴四逆湯

〔張〕或謂凡傷
寒初受者皆在

太陽然後傳于陽明少陽也病有自陰經而入者未審何經先受也夫太陽先受也病自陽經發者為外
感風寒邪從表入故太陽先受之也病自陰經起者為內傷生冷飲食過多故從太陰入也夫太陰者脾
也以飲食生冷則傷脾故腹滿而吐 桂枝加芍藥桂枝加大黃二證已見
前條

〔少陰〕病六七日腹脹不大便者急下之宜大承氣湯

〔成〕此少陰入府也六七日少陰之邪入府之時
陽明內熱壅甚腹滿不大便也陽明病土勝腎水

則乾急與大承
氣湯以救腎水

〔厥陰〕下利清穀不可汗汗出必腹滿

四逆
湯

下利腹脹滿身體疼痛者先溫其裏四逆湯乃攻其表桂

枝湯 下利腹滿者裏有虛寒先與四逆湯溫裏身 傷寒嘔而腹滿視其前後何部不利之則愈 (成)

疹痛為表未解利止裏和與桂枝湯攻表
腹滿氣上而不下也視其前後部有不利者則利之以降其氣前部小便也後部大便也或用五苓散小承氣湯

〔禁忌〕不大便六七日少與小承氣湯不轉失氣者不可攻攻之則腹滿不能食 論見大便 腹滿吐利者

忌下 論見太陰 腹滿脉浮緊口苦咽乾者忌汗下 論見自汗 腹滿脉遲者忌下 論見前脉遲條 腹滿脉弱自利設

用大黃芍藥宜減之 論見太陰病條

附

〔活〕若飲食不節寒中陰經胸膈不快腹滿閉塞唇青手足冷脉沉細少情緒或腹痛急作理中湯加青

皮每服一二劑胃即快矣枳實理中丸五積散尤妙 脹腹滿者宜桔梗半夏湯

桔梗半夏湯 治傷寒心腹痞滿時發疼痛

桔梗 微炒 半夏 薑製 橘紅 各一兩 右咬咀每服四錢生薑三片水煎服

〔海〕少陰證小便遺瀝大便遺失其人病六七日身重目不能視體如冰腹脹滿與物則咽不與則不求

其脉沉細而微疾按之有力宜急下之與大承氣湯

腹痛



邪氣入裏與正氣搏則為腹痛所以痛者有異焉腹痛屬裏正太陽經腹不痛少陽有胸脇痛而無腹痛
若有陽明腹滿急而痛此為裏實宜下之大柴胡湯小承氣湯三陰下利清穀而又腹痛者裏寒故也此
總論太陽經陽中之陰四逆湯附子理中湯陽氣傳太陰經腹滿而痛其證有二有實痛有虛痛腸鳴泄
利而痛者虛痛也此獨論太陰經陰中之陽小建中湯即桂枝加芍藥湯但桂有厚薄不瘥則小柴胡湯
去芍加芍藥如數腹滿大便秘按之痛者實痛也桂枝加大黃一錢此之虛痛實痛乃是以陽邪漸消為
虛陽氣正大為實

〔太陽〕傷寒陽脈澀陰脈弦法當腹中急痛先與小建中湯不差與小柴胡湯〔成〕脈陽澀陰弦而腹中急痛者當作裏有虛寒治

之與小建中湯溫中散寒若不差者非裏寒也必由邪氣自表之裏裏氣不利所致與小柴胡湯去黃芩加芍藥以除傳裏之邪

小建中湯方

桂枝去麤皮

生薑切各三兩

芍藥六兩

甘草炙二兩

大棗十二枚擘


膠飴一升

右六味以水七升煮取三升去滓內膠飴更上微火消解溫服一升日三服嘔則不可

用建中湯以甜故也

內經曰肝生於左肺藏於右心位在上腎處在下脾者土也應中央居四藏之中為中州生育榮衛通行津液一有不調則榮衛失所有津液失所行必此湯溫健

中藏是以建中名焉脾欲緩急食甘以緩之健脾者必以甘為主故以膠飴甘溫為君甘草甘平為臣桂辛熱辛散也潤也榮衛不足潤而散之芍藥味微寒酸收也泄也津液不逮收而行之是以芍藥桂



為佐生薑味辛溫大棗味甘溫胃者衛之源脾者榮之本針經曰榮出中焦衛出上焦是矣衛為陽不者足益之必以辛榮為陰不足補之必以甘辛甘相合脾胃健而榮衛通是以薑棗為使或謂桂枝湯解表而芍藥數少建中湯溫裏而芍藥數多何也皮膚為近則制小其服心腹為遠則制大其服此所以為不同也

傷寒胸中有熱胃中有邪氣腹中痛欲嘔吐者黃連湯主之(成)漏家下後舌上如胎者以丹田有熱胸

寒邪氣傳裏而為下寒上熱也胃中有邪氣使陰陽不交陰不得升而獨治于下為下寒腹中痛陽不得降而獨治于上為胸中熱欲嘔吐與黃連湯升降陰陽之氣

黃連湯方

黃連

甘草炙

乾薑炮

桂枝去麤皮各二兩

人參二兩

半夏半升洗

大棗十二枚擘

右七味以水一斗煮取六升去滓溫服一升日三服夜二服上熱者泄之以

苦黃連之苦以降陽下寒者散之以辛桂薑半夏之辛以升陰脾欲緩急食甘以緩之八參甘草大棗之甘以益胃

傷寒五六日中風往來寒熱胸脇苦滿默默不欲飲食心煩喜嘔或胸中煩而不嘔或渴或腹中痛或脇

下痞硬或心下悸小便利或不渴身有微熱或欬者與小柴胡湯 二陽併病太陽初得病時發汗不

徹因轉屬陽明續自微汗不惡寒若太陽證不罷者不可下可少發汗設面色緣緣正赤者陽氣怫鬱在

表當解之熏之若發汗不徹其人煩躁不知痛處乍在腹中乍在四肢按之不可得其人短氣但坐以汗

出不徹更發汗則愈以脈澀知之桂枝不惡寒大柴胡湯小汗宜葛根湯各半湯麻黃加桂枝湯



南京中醫藥大學圖書館藏